



nogorikitō

wadah informasi anda

Bersih • Muafakat • Sejahtera

Edisi Mei 2023

PM UMUM RM1.27 BILION UNTUK NEGERI SEMBILAN



Peruntukan ini merangkumi baik pulih fasiliti pendidikan dan kesihatan serta pembinaan masjid baharu dan jalan raya baharu.

> [Baca selanjutnya di halaman 5](#)



Pembangunan infrastruktur dan perumahan di Labu semakin pesat.



Bandar Tasik Senangin kini dimajukan menjadi pekan alternatif bagi manfaat penduduk sekitar Lenggeng.



Bantuan Dermasiswa pelajar Tahfiz naik 100 peratus, Daripada RM150 sebulan kepada RM300 sebulan.

> [Halaman 2, 3 dan 4](#)

> [Halaman 6, 7 dan 8](#)

> [Halaman 19](#)

Pembangunan infrastruktur dan perumahan antara fokus DUN Labu



KHAS: Ahli Dewan Undangan Negeri (ADUN) Labu, YB Dato' Ismail Ahmad memberi fokus kepada pembangunan infrastruktur dan perumahan di DUN Labu selain keperluan pendidikan, sosial dan kebajikan.

Ismail berkata, walaupun dari segi geografi DUN Labu merupakan sebuah kawasan perkampungan dan perladangan, namun ia berada dalam pentadbiran Majlis Bandaraya Seremban.

"Justeru itu, DUN Labu memerlukan jalan yang baik. Apabila orang luar masuk ke Negeri Sembilan menerusi Lebuhraya PLUS, kebanyakkan pengguna kenderaan akan keluar di Plaza Tol Bandar Ainsdale.

"Ada simpang empat, kalau kanan ke Labu, kiri ke Bandaraya Seremban.

"Jalan dari persimpangan tersebut ke Tiroi akan dinaik taraf kepada empat lorong (kini dua lorong). Lanskap di kawasan ini juga akan dinaik taraf. Lampu jalan akan ditambah.

"Salah satu pintu masuk ke Negeri Sembilan ialah Bandar Enstek. Kita akan bina gerai jualan yang baharu seperti R n R di situ dan menempatkan semula penjaja kecil yang sekarang berniaga di tepi jalan tanpa sistematik," katanya.

Projek perumahan pesat di Labu

Ismail berkata, DUN Labu akan menjadi kawasan tumpuan sedikit masa lagi kerana sebahagian besar projek pemban-

gunan Malaysia Vision Valley 2.0 (MVV 2.0) terletak di DUN Labu.

"Saya telah mencadangkan kepada Kerajaan Negeri untuk menaik taraf kawasan perumahan Rumah Rakyat yang telah berusia berpuluh tahun. Longkang, balai raya dan dewan di kawasan Rumah Rakyat perlu dinaik taraf agar seiring dengan status bandaraya.

"Selain itu saya juga fokus dalam pembangunan projek perumahan yang merupakan satu keperluan asasi penduduk di mana-mana tempat.

"Projek perumahan kini pesat dibangunkan di Gadong Jaya dan Bandar Enstek. Ribuan rumah sedang dibina," ujarnya.

Dalam pada itu mengenai Taman Kirby, Ismail berkata, projek perumahan ini akan siap tidak lama lagi.

"Ini bagi memastikan kemudahan perumahan kepada pekerja ladang. Kerajaan Negeri juga sedang membina sebuah jambatan baharu menghubungkan Taman Kirby ke Jalan Labu.

"Kita juga telah majukan Taman Bakti di Kampung Labu Hilir. Kita majukan tanah Yayasan Negeri Sembilan seluas 100 ekar.

"Sebanyak 296 unit Rumah Mampu Milik Type A (RMM) dibina, proses pengundian telah dijalankan baru-baru ini dan rumah akan diserahkan kepada pembeli

hujung tahun ini," jelas Ismail.

Sementara itu Ismail berkata, dua buah masjid telah dinaik taraf di DUN Labu iaitu Masjid Kampung Gadong Jaya dan Masjid Kampung Gadong Lama.

Tindakan proaktif cegah bencana alam

Ismail turut mengambil beberapa langkah proaktif bagi mengurangkan risiko bencana alam.

"Saya meminta pemaju perumahan membina kolam takungan sebagai pencegahan banjir di taman perumahan.

"Kes angin kencang kadang-kadang berlaku. Justeru itu, saya ambil inisiatif melaksanakan operasi memotong pokok yang membahayakan.

"Pokok yang berumur ratusan tahun, yang reput, kita tebang melalui pengrusan MPKK.

"Setiap MPKK saya sediakan mesin potong pokok, mesin potong rumput, pam racun bagi memastikan kampung selamat.

"Itu lah harapan saya. Mana-mana perkara yang tidak sempat diselesaikan, akan saya cuba selesaikan selepas ini sekiranya diberi peluang meneruskan perkhidmatan saya sebagai ADUN dan EXCO pada masa akan datang," kata Ismail.



Ismail menunjukkan kerja-kerja pembinaan jambatan yang akan menghubungkan Taman Kirby dengan Jalan Labu.

Pembangunan di luar bandar diberi perhatian

MENJELANG BERAKHIRNYA PENGGAL LIMA TAHUN PENTADBIRAN KERAJAAN NEGERI SEMBILAN TIDAK LAMA LAGI, NOGORI KITO TELAH MENGADAKAN SATU WAWANCARA KHAS BERSAMA EXCO PEMBANGUNAN LUAR BANDAR MERANGKAP AHLI DEWAN UNDANGAN NEGERI (ADUN) LABU, YB DATO' ISMAIL AHMAD.

BELIAU BERKONGSI SEBAHAGIAN DARI-PADA USAHA DAN KEJAYAAN DI BAWAH PORTFOLIO BELIAU.

Alhamdulillah dan Salam Negeri Sembilan Bersih, Muafakat, Sejahtera. Terima kasih kepada Nogori Kito yang sudi menemuramah saya dan turun padang ke DUN Labu.

Pertamanya, saya ingin mengucapkan terima kasih kepada Menteri Besar, YAB Dato' Seri Aminuddin Harun yang melantik saya sebagai Exco Pembangunan Luar Bandar. Saya diberi satu amanah yang saya rasa sangat berat melebihi daripada pengalaman saya sebagai pegawai kerajaan di Majlis Bandaraya Seremban (dahulu Majlis Perbandaran Seremban) selama 34 tahun. Saya tahu, saya yakin kemenangan dan kejayaan saya serta apa juga yang saya laksanakan mendapat sokongan semua Exco Kerajaan Negeri dan akar umbi.



Saya sebagai Exco Pembangunan Luar Bandar ditugaskan menjaga Felda, Felcra dan Risda dan hal ini menjadikan saya Exco yang paling kerap bertemu masyarakat luar bandar.

Saya mahu masyarakat luar bandar merasai kemudahan sebagaimana dinikmati di bandar. Baru-baru ini ada satu kawasan di Jelebu mendapat



kemudahan bekalan elektrik selepas sekian lama tidak mendapat kemudahan tersebut di atas beberapa permasalahan.

Bagi memastikan negeri ini mencapai negeri maju, kemudahan infrastruktur itu perlu. DUN Labu contohnya merupakan sebahagian daripada Malaysia Vision Valley 2.0 (MVV 2.0). Kita berusaha menarik seramai mungkin pelabur untuk datang ke negeri kita. Pelabur tanya kemudahan infrastruktur yang ada. Sebelum mereka datang kita sediakan kemudahan, contohnya kemudahan internet jalur lebar (broadband).

Rumah Generasi Kedua Felda

Saya turut mengambil berat tentang projek perumahan Generasi Kedua Felda di Felda Palong 16. Walaupun 95 peratus rumah ini sudah siap tapi masih tidak dapat didiami kerana terdapat beberapa masalah infrastruktur. Saya telah menyarankan kepada Felda, sebarang pembangunan perlu merujuk kepada pihak berkuasa tempatan (PBT). Ada peraturan yang perlu dipatuhi dan tidak boleh membuat pembangunan mengikut acuan sendiri.

Saya juga sentiasa memberi idea bagi memajukan Negeri Sembilan Timur iaitu Jempol, Kuala Pilah dan Jelebu termasuk tanah rancangan Felda, Felcra dan Risda.

Kita selesaikan isu saham membabitkan peneroka Felcra Kerangai di Jelebu. Sementara itu, Kerajaan Negeri juga dalam proses membangunkan tanah yang tidak dimajukan Felda untuk dijadikan kawasan perumahan Generasi Kedua Felda di Felda Palong 12.

Kita juga memikirkan bagaimana Felda dapat dimajukan pada masa akan datang agar peneroka bebas daripada hutang.

Sistem perhubungan jalan raya diberi perhatian

Kerajaan Negeri telah membina sebuah jalan baharu menghubungkan Felda Palong 12 dan 13 ke Ladang Kok Foh yang memendekkan masa perjalanan peneroka Felda ke bandar Bahau.



Sekarang kita sedang menumpukan untuk menyiapkan projek jalan baharu dari Nilai ke Labu dan ke Bandar Enstek.

Sukacita saya nak maklumkan permohonan pembinaan jalan baharu dari Jelebu ke Selangor iaitu jalan daripada Kampung Gagu, Kuala Klawang ke Ulu Beranang telah diberi kelulusan dengan kos projek sebanyak RM163 juta di bawah Kementerian Pembangunan Luar Bandar”.

Saya telah mencadangkan kepada Kerajaan Negeri, satu jalan baharu dibina daripada Rembau (Ulu Sepri) ke Kuala Pilah.

Wifi Percuma di 100 balai raya seluruh Negeri Sembilan

KHAS: Kerajaan Negeri Sembilan telah melaksanakan inisiatif Wifi Percuma Komuniti melalui pemasangan kemudahan wifi di 100 buah balai raya terpilih dengan peruntukan RM600,000 sejak tahun lepas.

Exco Pembangunan Luar Bandar, YB Dato' Ismail Ahmad berkata, pelaksanaan Perintah Kawalan Pergerakan (PKP) di seluruh negara telah benar-benar mengubah medium komunikasi dan interaksi sosial rakyat.

"Pengajaran dan Pembelajaran di Rumah (PdPR) secara Google Meet, kuliah agama secara Zoom, bacaan Yasin dan Al-Mathurat secara dalam talian telah menjadi kebiasaan kepada kita semua.

"Namun, adakalanya liputan dan akses internet di beberapa kawasan masih terbatas, sama ada atas faktor geografi, infrastruktur ataupun keupayaan kewangan.

"Justeru, bagi memastikan setiap

rakyat mempunyai akses internet yang berkualiti, Kerajaan Negeri menyediakan kemudahan wifi di 100 balai raya seluruh Negeri Sembilan," kata Ismail.

Ismail berkata, sebanyak RM300,000 telah dibelanjakan pada tahun 2022 bagi tujuan tersebut.

"Untuk tahun ini kita teruskan kemudahan Wifi Percuma dengan peruntukan RM300,000," ujar beliau.

Perkhidmatan bas luar bandar diperkenal

KHAS: Kerajaan Negeri Sembilan melalui Mara Liner Sdn Bhd telah memperkenalkan Projek Perkhidmatan Bas Luar Bandar Negeri Sembilan (RENTAS NS) yang melibatkan daerah Rembau dan Tampin.

Exco Pembangunan Luar Bandar, YB Dato' Ismail Ahmad berkata, RENTAS NS memberi manfaat kepada 70,000 penduduk sekitar yang merangkumi 25 institusi pengajian dan sekolah serta 47 kawasan



perkampungan, taman perumahan dan fasiliti kesihatan.

"RENTAS NS merupakan inisiatif baharu yang diumumkan oleh Kerajaan Negeri Sembilan ketika pembentangan Belanjawan 2022 yang lalu.

"Inisiatif ini di bawah bidang Pemerkasaan Komuniti membabitkan peruntukan sebanyak RM800,000 di bawah inisiatif Bas Luar Bandar telah mula beroperasi pada 16 Mei 2022," katanya.

Negeri Sembilan peruntuk RM3.47 juta tingkat tadbir urus MPKK

KHAS: Kerajaan Negeri Sembilan memperuntukkan RM5,000 untuk Geran Aktiviti Majlis Pengurusan Komuniti Kampung (MPKK) bagi 433 MPKK di Negeri Sembilan dengan peruntukan RM2,165,000.

Exco Pembangunan Luar Bandar Negeri Sembilan, YB Dato' Ismail Ahmad berkata, ini bagi membolehkan pelaksanaan program kemasyarakatan dan khidmat sosial kepada penduduk setempat

dapat dijalankan dengan lebih baik dengan sokongan dana daripada Kerajaan Negeri.

"Elaun RM900 bagi Pengurus MPKK dan RM400 sebulan bagi Setiausaha MPKK turut diteruskan oleh Kerajaan Negeri bagi menghargai jasa dan khidmat pentadbiran MPKK dalam menguruskan hal ehwal kebajikan penduduk kampung.

"Selain daripada itu, Kerajaan Negeri turut memperuntukkan RM3,000 untuk Geran Belia dan Beliananis MPKK dengan peruntukan sebanyak RM1,299,000 bagi membolehkan kolaborasi pentadbiran akar umbi dan belia menjalankan aktiviti khususnya melibatkan belia di kawasan luar bandar," kata Ismail.

PM umum peruntukan RM1.27 bilion untuk pembangunan Negeri Sembilan



SEREMBAN: Perdana Menteri, YAB Dato' Seri Anwar Ibrahim mengumumkan peruntukan keseluruhan bagi pembangunan di Negeri Sembilan berjumlah RM1.27 bilion.

Anwar berkata, peruntukan tambahan pembangunan sahaja hampir 1 bilion yang merangkumi projek membina jalan baharu dan jambatan baharu, kerja-kerja membaik pulih fasiliti pendidikan dan kesihatan serta penyelesaian projek perumahan mampu milik.

"Pembangunan ekonomi Negeri Sembilan dan tadbir urus berjalan dengan ter-

atur dan bersih. Tahniah kepada Menteri Besar Negeri Sembilan.

"Projek baharu tahun ini di Negeri Sembilan termasuk membina jalan susur tol baharu dari Seremban ke Lingkaran Tengah Seremban, dengan kos RM600 juta.

"Membina jalan dan jambatan Sungai Sepang bagi menghubungkan Bukit Pelandok, Port Dickson dengan Sungai Pelek, Selangor dengan kos RM160 juta.

"Pembinaan fasiliti Kementerian Pendidikan dengan kos RM280 juta terma-

suk membina semula sekolah daif dan memperkuatkan pendidikan khas," katanya.

Anwar berkata demikian dalam ucapan di Majlis Rumah Terbuka Aidilfitri Kerajaan Negeri Sembilan dan Malaysia Madani di Wisma Majlis Bandaraya Seremban (MBS).

Masjid baharu RM318 juta, Klinik Kesihatan dibaik pulih

Anwar berkata, Kerajaan juga memperuntukkan RM318 juta bagi pembinaan Masjid Terapung Port Dickson; Masjid Kariah Ulu Beranang, Seremban; Masjid Kariah Talang Tengah, Kuala Pilah; Masjid Tunku Munawir Seri Menanti, Kuala Pilah dan Masjid Bongek, Rembau.

"Kerajaan juga akan melaksanakan kerja-kerja membaik pulih (42 kemudahan tambahan) di Klinik Kesihatan yang daif di daerah Jelebu, Jempol, Kuala Pilah, Port Dickson, Rembau, Seremban dan Tampin dengan kos RM5.8 juta.

"Selain itu, isu pembangunan projek 891 unit residensi Perbadanan PRIMA Malaysia (PRIMA) di Seremban (Rasah) yang terbengkalai sejak tahun 2015 lalu juga telah diselesaikan dan akan dapat dihuni seawal 1 Jun ini.

PM lulus RM3.89 juta baik pulih asrama SMKA Dato' Haji Abu Hassan Haji Sail

Tambahan RM310,000 untuk baik pulih surau dan bilik guru

PEDAS: Perdana Menteri, YAB Dato' Seri Anwar Ibrahim meluluskan RM3.89 juta bagi memperbaiki bangunan asrama yang musnah akibat kebakaran pada Julai tahun lalu.

"Kelulusan segera ini atas keprihatinan dan kepentingan dalam menjamin keselamatan para guru dan pelajar," ujar beliau.

Selain itu, untuk keselesaan dan meningkatkan motivasi warga sekolah, Kerajaan Persekutuan juga bersetuju meluluskan tambahan sebanyak RM310,000 bagi membaik pulih surau serta bilik guru.

Semoga peruntukan ini dapat membantu para guru mendidik dan pelajar berusaha keras dengan ciri 'Itqan Fil Amal', kecemerlangan dalam amal untuk melahirkan para huffaz yang tegak dengan kekuatan ilmu dan akhlak dalam menyempurnakan adab.

Anwar berkata demikian ketika berkunjung ke SMKA Dato' Haji Abu Hassan Haji Sail, bagi melihat secara dekat fasiliti dan prasarana sekolah yang terbakar tahun lalu.

Turut hadir ialah YAB Menteri Besar Negeri Sembilan, Menteri Pendidikan dan Menteri Pertahanan.



Tinggal di Lenggeng, bekerja di Lembah Klang



DUN LENGGENG MERUPAKAN SATU-SATUNYA DUN DI NEGERI SEMBILAN YANG MEMPUNYAI TIGA PUSAT KHIDMAT RAKYAT KERANA SAIZ GEOGRAFINYA YANG LUAS.

NOGORI KITO MENGADAKAN TEMURAMAH DENGAN AHLI DEWAN UNDANGAN NEGERI (ADUN) LENGGENG, YB USTAZ SUHAIMI KASSIM BAGI MENGUPAS APAKAH PEMBAHARUAN YANG TELAH DIBAWA OLEH BELIAU KEPADA MASYARAKAT SETEMPAT SETELAH LIMA TAHUN BERKHIDMAT SEBAGAI WAKIL RAKYAT.

Alhamdulillah dan Salam Negeri Sembilan Bersih, Muafakat, Sejahtera. Terima kasih kepada Nogori Kito di atas kesudian mewawancara saya dan turun padang ke DUN Lenggeng.

Wawasan saya ialah ingin membangunkan DUN Lenggeng dari segi fizikal dan spiritual. Sekiranya pembangunan ini fizikal sahaja, tak seiring dengan spiritual, maka pembangunan itu akan tempang.

Saya masih lagi mengajar kepimpinan Al-Quran di Madrasah saya. Kementangan ini adalah ujian besar kepada diri saya, untuk merealisasikan apa yang saya ajar. Kepimpinan ini yang saya cuba buat dan bentuk di DUN Lenggeng. Saya usahakan agar masyarakat hidup bersaudara kembali, menyuburkan semangat tolong menolong dan berkasih sayang antara satu sama lain.

Saya mahu membina barisan kepimpinan di setiap tempat, di setiap kampung, di setiap taman perumahan. Kepimpinan yang mereka bawa ini ialah

kepimpinan seiring dengan aspirasi Kerajaan Negeri Sembilan - bersih, muafakat dan sejahtera.

Saya sendiri memperkenalkan idea ehsan di DUN Lenggeng. Alhamdulillah, ianya seiring pula oleh Perdana Menteri dengan idea Madani. Ehsan merupakan kunci penting dalam setiap gerakan yang saya lakukan.

DUN Lenggeng banyak tercicir daripada pembangunan. Kebanyakan tempat di DUN Lenggeng ialah perkampungan tradisional. Saya memulakan beberapa usaha. Paling asas nak membawa anak muda kembali mengerjakan bumi Lenggeng. DUN Lenggeng luas dengan tanah pertanian. Pertanian adalah satu industri yang sangat lumayan jika diusahakan dengan ilmu dan sistematik.

Saya perkenalkan idea bio-ekonomi tourism yang merangkumi beberapa elemen: Eko Tourism, Agro Tourism, Sport Tourism, Food (nasi lemak ikan sembilang) Tourism serta History and Culture Tourism.

Apabila kita majukan sektor pelancongan, industri ini akan menyediakan pekerjaan kepada anak muda dan menarik orang luar melawat Lenggeng.

Masalah pembeli rumah Bandar Tasik Senangin sejak 20 tahun diselesaikan

Di DUN Lenggeng ada satu kawasan perumahan yang dipanggil Bandar Tasik Senangin (dahulu Bandar Akademia). Pembangunan infrastruktur di sini sangat lambat walaupun taman perumahan ini telah dimulakan lebih 20 tahun lalu.

Penduduk yang telah membeli rumah tidak dapat menduduki rumah mereka kerana tiada kemudahan asas seperti bekalan elektrik, talian komunikasi (telefon) dan perkhidmatan kutipan sampah. Di dalam masa yang sama, para pembeli rumah tetap perlu membayar pinjaman kepada pihak bank.

Selepas Pakatan Harapan menang dan mengambil alih Kerajaan Negeri, saya telah selesaikan masalah kemudahan asas ini. Ketika itu hanya ada 350 rumah sahaja yang didiami di taman peruma-

han ini. Alhamdulillah, ianya telah mencapai hampir 3,000 rumah. Jika siap sepenuhnya ianya boleh menampung 6,000 rumah.

Apabila Pakatan Harapan mentadbir Kerajaan Negeri Sembilan, perubahan ketara dapat dilihat di Bandar Tasik Senangin yang berkeluasan 1,900 ekar. Kerajaan Negeri telah menurap semula jalan raya di Bandar Tasik Senangin dengan kos hampir RM19 juta.



Bandar Tasik Senangin bakal sibuk

Sepanjang tempoh lima tahun ini banyak pembangunan asas yang telah kita laksanakan dan masih teruskan. Saya sendiri berhijrah ke Bandar Tasik Senangin kerana mahu terlibat secara langsung untuk membangunkan sebuah bandar yang dinamakan Bandar Rahmah.

Orang Lenggeng mengeluh mereka perlukan bandar yang baharu. Bandar Tasik Senangin kini dimajukan sebagai sebuah pekan alternatif. Alhamdulillah, Bandar Tasik Senangin kini menjadi satu jalan pintas kepada penduduk sekeliling untuk pergi ke Lembah Klang melalui Beranang dan Lebuhraya LEKAS. Selain itu ia memudahkan juga untuk pergi ke Mantin, Nilai dan seterusnya ke Lebuhraya Utara Selatan (PLUS).

Kerajaan Pusat juga telah meluluskan peruntukan untuk membina sebuah jalan raya yang akan menghubungkan Kuala Klawang Ke Ulu Beranang. Jalan ini akan memendekkan masa perjalanan daripada Jelebu ke Lembah Klang. Jalan ini akan lalu berhampiran dengan Bandar Tasik Senangin. Maka Bandar Tasik Senangin pasti akan sibuk apabila projek jalan raya baharu ini siap.



Rumah Warisan tarikan Pekan Pantai

Pekan Pantai mempunyai Rumah Warisan Dato' Klana Petra Mohd Yusuf Bin Hashim yang merupakan Dato' Undang Luak Sungai Ujong Ke-7. Rumah Warisan ini kemudiannya telah digunakan oleh Dato' Klana Maamor Bin Kassim iaitu Dato' Undang Ke-8 sebagai pemerintah Luak Sungai Ujong. Rumah ini didirikan tanpa menggunakan sebarang paku pada asalnya.

Kerajaan Negeri sedang melaksanakan projek membaik pulih Rumah Warisan ini dengan kos RM330,000. Rumah Warisan ini sering kali menarik pelancong luar kerana konsepnya seperti istana lama. Rumah Warisan ini satu landmark untuk Pekan Pantai.

Isu tebing runtuh sejak 15 tahun berjaya diselesaikan

Kampung Panchor ada satu isu besar iaitu tebing runtuh yang berlarutan sejak 15 tahun lalu. Terima kasih kepada Menteri Besar, YAB Dato' Seri Aminuddin Harun yang meluluskan peruntukan untuk membaiki cerun tersebut.

Projek pembentukan ini membabitkan kos RM1.8 juta yang melibatkan 10 buah rumah. Selain itu kita juga telah menaik taraf jalan masuk ke perkampungan Wawasan ABIM yang berkeluasan 500 ekar. Jalan tanah merah telah dinaik taraf kepada jalan crusher run dengan kos RM100 ribu.

Desa Wawasan ABIM merupakan pembangunan perkampungan Islam dengan kompleks pendidikan Islam. Sebelum ini jalan masuknya sangat jauh. Maka kita telah membuka jalan alternatif yang berdekatan dengan Kampung Panchor. Selepas ini Kerajaan Negeri bercadang menyediakan kemudahan

bekalan elektrik dan air. Maka ianya akan memudahkan mereka yang telah memiliki lot tanah di sini untuk mengusahakan tanah mereka dan membina rumah.

Taman Ampangan sudah menjadi pekan kecil

Taman Ampangan kini sudah menjadi satu pekan kecil bagi masyarakat Panchor dan

Paroi. Sebelum ini peniaga kecil berna-ga dalam keadaan tidak teratur dan ti-dak tersusun. Ini menimbulkan pelbagai masalah seperti kesesakan lalu lintas dan isu parkir. Maka Kerajaan Negeri membina 20 unit gerai penjaja setem-pat agar mereka boleh bernaiga den-gan lebih teratur.

Kawasan DUN Lenggeng ini ada banyak tanah pertanian. Saya sendiri mem-promosikan pertanian sebagai sumber pendapatan yang agak lumayan.

Kerajaan Pusat ada mewujudkan projek Kluster Durian dengan penanaman ribuan pokok durian di kawasan seluas lebih 300 ekar. Malah diwujudkan sekolah kepada pengusaha durian, diajar cara penanaman durian sehingga keluar-kan hasil.

Pantai Hill Resort merupakan lokasi sangat menarik untuk pelancong luar negara. Resort ini dibina di lereng bukit. Tempat ini mempunyai pemandangan yang sangat cantik kerana terletak di tepi hutan. Kawasan ini sebelum ini ti-dak diwartakan. Sekarang dalam proses pemutihan oleh Majlis Bandaraya Ser-embang. Sebahagian pemilik resort ini telah mendapat lesen dan sebahagian lagi dalam proses.

Harga rumah lebih murah di Lenggeng

Berbanding DUN-DUN lain dalam Parli-men Seremban, DUN Lenggeng terciri daripada pembangunan. Orang susah kumpulan B40 ramai di Lenggeng dan mereka perlu dibantu agar keluar dari kemiskinan. Banyak bantuan kerajaan telah disalurkan bagi pemulihran rumah di bawah skim PPRT.

Rata-rata penduduk di Lenggeng dan Pantai kerja biasa. Ramai bekerja di Nilai, Seremban, Lembah Klang, Beranang, Se-menyih, Kajang dan Putrajaya.

Saya mahu bangunkan Lenggeng se-bagai sebuah kawasan penempatan kos murah. Realiti sekarang, rumah di Seremban dan Nilai mahal. Perbezaan harga yang ketara. Harga rumah di Bandar Tasik Senangin jauh lebih mu-rah berbanding dengan rumah di Eco Majestic (Selangor). Perbezaan harga jualan yang sangat ketara, sedangkan kedua-dua taman perumahan ini be-rada di sempadan Negeri Sembilan dan Selangor.

Justeru, saya mahu mempromosikan idea 'Tinggal di Lenggeng, kerja di Lem-bah Klang sebagai salah satu usaha saya untuk membangunkan Lenggeng.

Lenggeng hanya boleh dibangunkan kalau penduduknya ramai. Jika bersta-tus kampung, rumah jarang-jarang, ker-aajaan hendak bawa kemudahan pun susah.

Sekarang, Kerajaan Negeri sedang membangunkan sebuah tanah milik MBI dengan pemaju dengan pembinaan 500 unit rumah mampu milik bersebelahan Bandar Tasik Senangin. Saya mahu rumah itu dimiliki oleh anak muda yang rata-ratanya masih belum mampu memiliki rumah yang mahal-mahal. Saya lihat kita boleh membuat pemban-gunan yang pesat, tetapi ianya perlukan masa. Saya sebenarnya sudah mem-ulakan perancangan pembangunan 'Stay in Lenggeng, Work in Klang Valley' semasa Pakatan Harapan memegang



tampuk pentadbiran Kerajaan Perse-kutuan selama 22 bulan dahulu. Kita semua sedia maklum kerajaan tersebut tidak kekal lama. Selepas itu, kita diuji dengan pandemik Covid-19 pula. Maka pelaksaaan hasrat projek ini tergendala. Insya Allah ianya akan disambung pada hari-hari mendatang.

Tiga Pusat Khidmat Rakyat di DUN Lenggeng

Saya satu-satunya ADUN yang mempunyai tiga Pusat Khidmat Rakyat iaitu di Pekan Lenggeng, Pekan Pantai dan Taman Panchor Jaya.

DUN Lenggeng ini sangat besar. Perjalanan dari Kampung Panchor ke Broga, mengambil masa hampir 50 minit. Justeru itu, bagi memudahkan rakyat berurusan dengan saya, maka saya membuka tiga Pusat Khidmat Rakyat di DUN Lenggeng.

Hari Bertemu Rakyat di pejabat saya ditetapkan enam kali sebulan (dua kali sebulan di Lenggeng, Pantai dan Panchor). Itu untuk rakyat yang ada masalah dan ingin berjumpa saya dalam pejabat untuk membincangkan sesuatu perkara. Namun, saya masih berjumpa rakyat setiap hari.



Pembangunan infrastruktur tetap diberi perhatian

Baru-baru ini Perdana Menteri, YAB Dato' Seri Anwar Ibrahim telah meluluskan peruntukan RM31.8 juta bagi pembinaan lima buah masjid di Negeri Sembilan. Ini termasuk pembinaan Masjid Ulu Beranang. Masjid sedia ada infrastrukturnya telah rosak dimakan usia dan anai-anai.

Di awal kemenangan dulu banyak jambatan kampung yang rosak baik di Lenggeng dan Pantai. Di kedua tempat ini ada banyak anak-anak sungai. Maka, ada banyak jambatan yang perlu dibina bagi menghubungkan dengan jalan luar. Jambatan ini banyak yang rosak. Jalan kampung pula tidak seperti jalan JKR. Jalan kampung berada di bawah urusan pejabat daerah. Standard jalan-



nya bukan seperti jalan JKR.

Justeru itu, sejak Pakatan Harapan mengambil alih Kerajaan Negeri Sembilan, puluhan jambatan telah dibaiki dan jalan pula sentiasa diselenggara dengan baik. Seterusnya, jika ada jambatan yang rosak, ianya akan dibaiki segera oleh Kerajaan Negeri.

Di DUN Lenggeng juga kita berjaya memasang lebih 500 buah lampu jalan di kawasan perkampungan. Setiap kampung ada peruntukan lampu di bawah dasar pencahayaan.



Saya dengan kerjasama Kerajaan Negeri telah mengambil inisiatif membina tiga pencawang talian selular di Bandar Tasik Senangin, Kampung Sungai Machang Ulu dan Kampung Tarun. Sebelum ini, talian telefon selular di kawasan ini lemah atau tiada.

Perancangan masa akan datang, pembangunan Bandar Rahmah

Saya mahu membangunkan sebuah Bandar Rahmah. Slogan perjuangan Parti Amanah Negara ialah memperjuangkan Islam yang bersifat rahmatan lil alamin. Ianya adalah intipati besar dalam agama Islam. Cabaran kepada

saya ialah menterjemahkan rahmah itu dalam pelbagai bentuk tindakan dan bukan terhenti setakat teori sahaja. Rahmah atau kasih sayang itu bukan sekadar ucapan. Rahmah itu mesti merangkumi - satu, kasih sayang dan satu lagi kasihan. Kasih sayang ini sangat diperlukan bagi membangunkan masyarakat yang kuat. Kasihan pula diperlukan bagi menyelamatkan yang susah.

Oleh itu, saya perlu terjemahkan rahmah itu dalam bentuk kehidupan yang boleh dirasai oleh semua orang. Agama Islam adalah agama yang damai, agama yang sangat menekankan kasih sayang dan kasihan kepada semua orang.

Kalau diberi peluang, saya akan teruskan agenda rahmah ini. Ianya termasuk dalam kepimpinan yang saya katakan pembangunan fizikal dan spiritual. Spiritualnya itu sendiri akhirnya mesti berjaya membina jiwa yang rahmah kepada penduduk setempat.

Menoktahkan kemiskinan

Perdana Menteri telah beberapa kali menekankan menoktahkan kemiskinan, itu sebagai sebahagian daripada agenda rahmah. Kalau semua masjid itu tahu apa itu berniaga dengan Allah, jawatankuasa masjid pasti akan membuka jalan kepada ahli kariah untuk berniaga dengan Allah. Saya tidak nampak menoktahkan kemiskinan itu satu perkara yang mustahil. Sebab itulah, masjid dan surau sendiri mesti mengambil peranan membantu pihak kerajaan menoktahkan kemiskinan.

Justeru itu, saya bersungguh mahu mewujudkan Bandar Rahmah. Saya bukan bercakap kosong tapi dengan contoh teladan. Saya sendiri telah ambil tanggungjawab menunjukkan perkara tersebut.

Pelaburan industri makanan dan minuman di Enstek cecah RM4 bilion

SEREMBAN: Kawasan Perindustrian Bandar Teknologi Enstek merupakan pilihan pelabur khususnya dalam industri makanan dan minuman.

Menteri Besar Negeri Sembilan, YAB Dato' Seri Aminuddin Harun berkata, antara syarikat gergasi makanan dan minuman dari luar negara yang telah beroperasi di sini adalah Coca-Cola Bottlers (M) Sdn Bhd (Amerika Syarikat), Kellogg's Malaysia (Amerika Syarikat); Ajinomoto (Malaysia) Berhad (Jepun); Sunshine Bread

(M) Sdn Bhd (Singapura) dan Purecircle Sdn Bhd (Armenia).

"Jika dikumpulkan jumlah pelaburan bagi kesemua projek industri makanan dan minuman tersebut, ianya dianggarkan melebihi RM4 bilion serta menjana lebih 1,500 peluang pekerjaan.

"Manakala, syarikat baharu yang sedang di dalam proses pembinaan pula adalah seperti Dutch Lady Milk Industries Berhad (Netherlands), Macfood Services (M) Sdn Bhd (Amerika Syarikat) dan Farm Fresh

Milk Industries (Malaysia).

"Tahun 2022 merupakan pencapaian pelaburan terbaik dan tertinggi dalam sejarah, di mana Negeri Sembilan berjaya menarik RM8.9 bilion jumlah pelaburan dengan 166 projek telah diluluskan di negeri ini," jelas Aminuddin.

Aminuddin berkata demikian di Majlis Perasmian Pecah Tanah Tapak Kilang Mahsuri Food Sdn Bhd di Kawasan Perindustrian Bandar Teknologi Enstek.



Mahsuri Food labur RM250 juta di Negeri Sembilan

SEREMBAN: Syarikat pengilangan sos makanan Mahsuri Food Sdn Bhd akan membina sebuah kilang pengeluaran di Bandar Baru Enstek dengan nilai pelaburan RM250 juta.

Menteri Besar Negeri Sembilan, YAB Dato' Seri Aminuddin Harun berkata, pembukaan kilang baharu ini pastinya akan menyumbangkan ke arah pembangunan prasarana pengeluaran produk halal, rangkaian pemasaran dalam dan luar negara serta pembangunan sosio-ekonomi yang akan berpusat di negeri ini.

"Saya juga difahamkan Mahsuri Food menawarkan teknologi baharu berteraskan automasi (automation) bagi se-

tiap peringkat pengilangan.

"Pengoperasian berteknologi tinggi ini secara langsung mewujudkan peluang pekerjaan terutamanya kumpulan profesional dan pekerja berkemahiran tinggi kepada anak tempatan menjelang tahun 2025, iaitu setelah kilang ini beroperasi sepenuhnya."

"Ini merupakan satu usaha yang baik ke arah mengurangkan kebergantungan kepada tenaga buruh tidak mahir (unskilled workers) serta penggunaan buruh asing," kata Aminuddin.

Aminuddin berkata, Kawasan Perindustrian Bandar Teknologi Enstek merupakan kawasan industri dan Taman Te-

knologi Hub Halal di Negeri Sembilan.

"Status halal merupakan satu nilai tambah (value-added) yang membolehkan sesuatu produk bersaing di pasaran global."

"Oleh itu, saya menyarankan supaya pihak Mahsuri Food Sdn Bhd segera memberi perhatian terhadap persijilan halal bagi setiap penemuan kajian dan penyelidikan (R&D) serta perubahan resipi dan cita rasa baharu sebelum dipasarkan," ujar Aminuddin.

Aminuddin berkata demikian di Majlis Perasmian Pecah Tanah Tapak Kilang Mahsuri Food Sdn Bhd di Kawasan Perindustrian Bandar Teknologi Enstek.

Projek Perumahan DUN Labu & Lenggeng

- Bandar Tasik Senangin, Lenggeng (6,000 unit rumah)
- Taman Bakti, Labu - 296 unit Rumah Mampu Milik
- 203 unit Rumah Mampu Milik Taman Kirby, Labu
- Jambatan Taman Kirby - Jalan Labu
- Taman Perumahan Gadong Jaya & Bandar Enstek



Naik taraf Infrastruktur Taman Perumahan dan Pusat Komersial dalam kawasan DUN Lenggeng:



- Pembinaan Masjid Ulu Beranang
- Rumah Kedai baharu di Bandar Tasik Senangin
- Membina 3 pencawang talian selular di Bandar Tasik Senangin, Kampung Sungai Machang Ulu dan Kampung Tarun.
- 20 unit gerai penjaja di Taman Ampangan
- Desa Wawasan ABIM, 500 ekar.



100 BALAI RAYA
WI-FI
PERCUMA



Perkhidmatan Bas Luar Bandar

PEMBANGUNAN LUAR BANDAR NEGERI SEMBILAN



TARIKAN PELANCONGAN DUN LENGGENG

Pembinaan Jalan Raya dan Jambatan Baharu di Negeri Sembilan di bawah RMKe-11 dan RMKe-12

Lukut - Kg Sirusa - Kg Paya - Kg Bagan Pinang
RM72.61 juta

Kg Guntur - Langkap
RM58 juta

Felda Bkt Jalor - Gemas
RM62 juta

Jln Muka Sauk Petasi - Spg Durian
RM271.40 juta

Sg Sebaling - Bahau
RM79.13 juta

Kg Gagu - Ulu Beranang
RM163 juta

Seri Menanti - Ulu Sepri
RM106.82 juta

Nilai - Labu - Enstek
RM413 juta

Negeri Sembilan peruntuk RM2 juta bagi Tabung Perubatan Haemodialisis

SEREMBAN: Kerajaan Negeri Sembilan memperuntukkan RM2 juta bagi membantu pesakit Haemodialisis yang kurang berkemampuan di negeri ini.

Menteri Besar Negeri Sembilan, YAB Dato' Seri Aminuddin Harun berkata, Kerajaan Negeri Sembilan amat prihatin tentang kebijakan rakyat Negeri Sembilan termasuk pesakit Haemodialisis.

"Pada tahun lepas kita peruntuk RM1 juta untuk Tabung Perubatan Haemodialisis.

"Tahun ini pun kita peruntuk sebanyak RM1 juta untuk tujuan yang sama.

"Kerajaan Negeri menanggung kos pembedahan Fistula (tapak) untuk pesakit buah pinggang yang kurang kemampuan," kata Aminuddin apabila diminta mengulas tentang peningkatan pesakit

buah pinggang di Negeri Sembilan.

Aminuddin berkata perkara ini akan diberi perhatian oleh Kerajaan Negeri dalam belanjawan pada tahun depan.

"Kita juga akan kerjasama dengan Kementerian Kesihatan bagi melihat bagaimana untuk mengatasi masalah ini di Negeri Sembilan," ujarnya.

Sistem Monorail di Bandar Seremban?

SEREMBAN: Menteri Besar Negeri Sembilan, YAB Dato' Seri Aminuddin Harun berkata, sebarang cadangan pembinaan sistem Monorail di bandar Seremban memerlukan kajian kebolehlaksanaan projek yang teliti dan terperinci.

"Selain itu, impak serta sumber dan kos pelaksanaan perlu dimuktamadkan sebelum ianya dapat dilaksanakan.

"Buat masa ini tidak ada sebarang cadangan diterima untuk membina Internal Monorail di pusat bandar Serem-

ban," ujar Aminuddin.

Aminuddin berkata demikian bagi menjawab pertanyaan Ahli Dewan Undangan Negeri (ADUN) Temiang, YB Ng Chin Tsai di Persidangan Kelima Penggal Kelima Dewan Undangan Negeri, Negeri Sembilan Yang Ke-14.



PPR Ladang Tanah Merah akan diduduki sebelum Jun ini

SEREMBAN: Kerajaan Negeri Sembilan telah menerima 221 permohonan daripada pekerja-pekerja ladang di sekitar PPR Ladang Tanah Merah yang berminat untuk menduduki PPR ini.

Justeru itu, Kerajaan Negeri perlu menjalankan proses saringan berdasarkan syarat-syarat yang telah ditetapkan oleh Jabatan Perumahan Negara (JPN) sebelum mengemukakan senarai permohonan yang layak kepada jabatan ini.

Exco Kesejahteraan Bandar, Perumahan, Kerajaan Tempatan dan Kampung Baru, YB Teo Kok Seong berkata, pengisian PPR ini dijangka akan diselesaikan sebelum Jun 2023.

"PPR Ladang Tanah Merah (Desa Tanjung) merupakan program PPR yang akan diuruskan di bawah skim PPR Sewa-Untuk-Milik atau Rent-To-Own (RTO).

"Harga jualan bagi unit-unit PPR ini adalah berjumlah RM40,000 dengan kadar faedah sebanyak tiga peratus setahun dikenakan kepada peserta PPR ini untuk tempoh RTO berkenaan.

"Tempoh tawaran RTO maksimum bagi PPR ini adalah 20 tahun di mana peserta PPR dibenarkan untuk membeli unit-unit berkenaan pada tahun ke-6, ke-11 dan ke-16," kata Teo.

Teo berkata demikian bagi menjawab soalan Ahli Dewan Undangan Negeri (ADUN) Chuah, YB Dato' Michael Yek Diew

Ching di Persidangan Kelima Penggal Kelima Dewan Undangan Negeri, Negeri Sembilan Yang Ke-14.

PPR Ladang Tanah Merah terdiri daripada 100 unit rumah teres setingkat yang dibangunkan di atas tanah berkeluasan 20 ekar di Port Dickson.

PPR yang dibangunkan ini turut menyediakan fasiliti kemudahan seperti dewan serbaguna, tadika dan taska, surau, medan selera dan taman permainan.

Sijil Perakuan Siap Kerja (CC) bagi PPR ini adalah pada 29 Disember 2022 dan PPR ini telah diserahkan kepada Jabatan Perumahan Negara (JPN) pada 5 Januari 2023.

Negeri Sembilan peruntuk RM8.5 juta untuk sektor pendidikan

SEREMBAN: Kerajaan Negeri Sembilan telah memperuntukkan RM8.5 juta merangkumi tujuh inisiatif utama berkaitan pendidikan pada tahun 2022.

Menteri Besar Negeri Sembilan, YAB Dato' Seri Aminuddin Harun berkata, sejumlah RM0.9 juta telah dibelanjakan yang memberi manfaat kepada 1,500 pelajar sekolah rendah menerusi Bantuan Anak Sekolah (BAS).

"Seramai 1,600 pelajar sekolah menengah telah menerima Biasiswa Anak Negeri dengan peruntukan sebanyak

RM800,000.

"Sebanyak RM1 juta telah digunakan bagi tujuan Fast Track Tahfiz SPM melibatkan dua buah sekolah iaitu SRI Seremban dan juga Maahad As-Saidiyah.

"Lebih 100 buah sekolah tahfiz, SJKC dan SJKT di seluruh Negeri Sembilan menerima bantuan kewangan berjumlah RM2 juta.

"Manakala RM1 juta telah dibelanjakan bagi tujuan penyelenggaraan lebih 50 buah sekolah," jelas Aminuddin.

Aminuddin berkata demikian bagi menjawab pertanyaan Ahli Dewan Undangan Negeri (ADUN) Seremban Jaya, YB P.Gunasekaren di Persidangan Kelima Penggal Kelima Dewan Undangan Negeri, Negeri Sembilan Yang Ke-14.

Aminuddin juga berkata, sebanyak RM2.8 juta telah digunakan untuk membaiki Rumah Negeri Sembilan bagi anak-anak Negeri Sembilan yang sedang melanjutkan pengajian di Mesir dan bakinya digunakan untuk menambah elauan guru KAFA.

Kerajaan laksana kajian laluan baharu Seremban – Kuala Pilah

SEREMBAN: Kementerian Kerja Raya sedang melaksanakan Kajian Laluan Alternatif Jalan Seremban – Kuala Pilah (FT051) dan dijangka akan berakhir pada 26 Julai 2023," kata Menteri Besar Negeri Sembilan, YAB Dato' Seri Aminuddin Harun berkata,

"Kerajaan Negeri melalui JKR Negeri Sembilan telah pun mengangkat permohonan projek membina jalan baharu dari Ulu Bendul Ke Juasseh, Kuala Pilah di bawah RMK-12, RP4 ke Kementerian Kerja

Raya pada 27 Februari 2023 bagi mengatasi masalah kesesakan lalu lintas di kawasan ini," katanya di Persidangan Kelima Penggal Kelima Dewan Undangan Negeri, Negeri Sembilan Yang Ke-14.

Terlebih dahulu Ahli Dewan Undangan Negeri (ADUN) Serting, YB Dato' Sham-sulkahar Mohd Deli telah mengemuka soalan berhubung jalan penyelesaian kesesakan jalan Seremban – Kuala Pilah.



RM1.24 juta, pesakit Ortopedik dibantu Kerajaan Negeri Sembilan

SEREMBAN: Kerajaan Negeri Sembilan membantu pesakit Ortopedik yang kurang berkemampuan bagi menjalani pembedahan implan.

Menteri Besar Negeri Sembilan, YAB Dato' Seri Aminuddin Harun berkata, daripada tahun 2020 sehingga April 2023, sebanyak RM1.24 juta telah digunakan untuk bantuan implan Ortopedik yang telah

memberi manfaat kepada 210 orang pesakit.

"Untuk makluman juga, sebanyak RM740,000 telah diperuntukkan sejak tiga tahun yang lalu sebagai bantuan rawatan fistula untuk pesakit buah pinggang yang perlu menjalani rawatan dialisis di Hospital Mawar, NS Chinese Maternity Hospital dan Hospital Az-Zahra

Bangi," katanya.

Aminuddin berkata demikian bagi menjawab soalan Ahli Dewan Undangan Negeri (ADUN) Seremban Jaya, YB P.Gunasekaren di Persidangan Kelima Penggal Kelima Dewan Undangan Negeri, Negeri Sembilan Yang Ke-14.

Cha seru ahli DAP all out PRN ini

RASAH: Ahli Parlimen Rasah, YB Cha Kee Chin menyeru ahli DAP Cawangan Labu untuk memberikan khidmat yang terbaik pada Pilihan Raya Negeri (PRN) kali ini.

"Saya yakin bahawa kerusi DUN Labu yang dimenangi pada PRU lepas dapat diperbaharui.

"Sebagai Pengurus Pakatan Harapan Rasah, saya akan mengerahkan jentera DAP DUN Bukit Kepayang untuk

membantu DUN Labu.

"Dalam masa sama saya turut menegaskan terdapat terdapat beberapa perkara yang perlu dilakukan.

"Antaranya semangat setiaawan Pakatan Harapan wajar diutamakan.

"Selain itu, kepentingan peribadi wajar diketepikan untuk mempertahankan kesemua kerusi yang dimenangi," kata Cha.



Mangsa kemalangan terima sumbangan kewangan daripada Razali



SENALING: Penyelaras DUN Senaling, Tuan Mohd Razali Abdul Latif telah memberikan sumbangan kewangan kepada mangsa kemalangan jalan raya di Kampung Temeris.

Mohd Razali berkata, sumbangan tersebut bagi mem-

bantu meringankan beban perubatan beliau.

"Saya mendoakan agar beliau diberi kesembuhan seperti sedia kala," kata Mohd Razali.

Masjid Kampung Mendum terima RM4,000 daripada Suhaimi

LENGGENG: Ahli Dewan Undangan Negeri (ADUN) Lenggeng, YB Suhaimi Kassim telah memberi sumbangan kewangan sebanyak RM4,000 kepada Masjid Kampung Mendum.

Suhaimi berkata, sumbangan tersebut diberikan bagi membantu pihak masjid menjalankan aktiviti kemasyarakatan dan keagamaan bersama

penduduk setempat.

"Semoga sumbangan tersebut dapat membantu meringankan beban mereka," kata Suhaimi.

Sumbangan tersebut diberikan ketika beliau menghadiri Majlis Rumah Terbuka Aidilfitri Masjid Kampung Mendum.



CORE VALUES

M A D A N I

<i>keMampunan</i> (Sustainability)	<i>kesejAhteraan</i> (Prosperity)	<i>Daya cipta</i> (Innovation)	<i>hormiAt</i> (Respect)	<i>keyakiNan</i> (Trust)	<i>Ihsan</i> (Care & Compassion)
---------------------------------------	--------------------------------------	-----------------------------------	-----------------------------	-----------------------------	-------------------------------------

Aminuddin rasmi Balai Raya Kampung Laka

JEMPOL: Menteri Besar Negeri Sembilan, YAB Dato' Seri Aminuddin Harun telah merasmikan Balai Raya Kampung Laka.

Aminuddin berkata, kawasan kampung tersebut memerlukan sebuah tempat bagi mengadakan aktiviti sosial dan sebagainya.

"Balai raya tersebut mempunyai kemudahan yang cukup lengkap termasuk sebuah dewan yang luas, pantri dan tandas yang selesa."

"Besarlah harapan saya, agar balai raya ini dapat memberikan impak positif kepada pembangunan kampung dan kesajahteraan penduduk, Insya Allah," kata Aminuddin.



MPKK Kampung Talang terima RM1,500 daripada Shahran



SERI MENANTI: Penyelaras DUN Seri Menanti, Tuan Shahran Kaat telah memberikan sumbangan kewangan sebanyak RM1,500 kepada MPKK Kampung Talang.

Shahran berkata, sumbangan tersebut bagi membantu pihak MPKK yang bakal mengadakan program bagi meraikan golongan warga emas.

"Program tersebut bakal melibatkan beberapa MPKK

lain seperti MPKK Kampung Talang Ulu, MPKK Talang Tengah dan MPKK Bukit Lintang.

"Program tersebut juga bertujuan meraikan segala jasa dan pengorbanan warga emas tersebut."

"Saya berharap agar program yang bakal dijalankan ini berjalan dengan lancar," kata Shahran.

Tiga mangsa hujan ribut terima sumbangan kewangan daripada Latif

GEMENCHEH: Seramai tiga individu menerima sumbangan kewangan daripada Penyelaras DUN Gemencheh, Tuan Abd Latif A.Tambi.

Abd Latif berkata, bumbung rumah ketiga-tiga inividu tersebut mengalami kerrosakan akibat hujan ribut tempuh hari.

"Sumbangan telah diberikan di rumah masing-masing di Felda Bukit Jalor."

"Semoga sumbangan ini dapat membantu meringankan bebanan mereka," kata Abd Latif.



Aminuddin rai bakal haji DUN Sikamat

SEREMBAN: Menteri Besar Negeri Sembilan, YAB Dato' Seri Aminuddin Harun meraikan bakal haji daripada DUN Sikamat.

Aminuddin berkata, majlis ringkas tersebut telah diadakan di Kediaman Rasmi beliau.

"Saya turut memberikan sumbangan kewangan bagi

membantu persediaan mereka.

"Semoga mereka semua mendapat haji mabru dan diberikan kesihatan yang baik sepanjang melaksanakan ibadah haji, Insya Allah," kata Aminuddin yang juga merupakan Ahli Dewan Undangan Negeri (ADUN) Sikamat.



Nicole galak warga emas produktif



MANTIN: Exco Hal Ehwal Wanita, Keluarga dan Kebajikan, YB Nicole Tan Lee Koon menyuruh agak warga emas produktif seperti di Jepun.

Nicole berkata, kebanyakkan warga emas di Jepun melakukan kerja-kerja ringan seperti mengangkat plakat di lapangan terbang, menjadi pemandu pelancong dalam bahasa Inggeris, dan menjadi pelayan di restoran makanan segera.

"Hal ini demikian kerana Malaysia akan mencapai negara menua pada 2030 dan kita belum bersedia.

"Oleh itu, sudah tiba masa kita mengambil langkah proaktif untuk menghadapi negara menua," kata Nicole.

Nicole berkata demikian di Majlis Perasmian Program Kem Gabungan Persatuan Kwang Tung Malaysia Bahagian Wanita.

Pesakit strok terima sumbangan barang dapur daripada Gunasekaren

SEREMBAN JAYA: Ahli Dewan Undangan Negeri (ADUN) Seremban Jaya, YB P.Gunasekaren telah memberikan sumbangan barang dapur kepada Puan Mariam Yaakub di Taman Seremban Jaya Fasa 2.

Gunasekaren berkata, Puan Mariam telah mengidap strok sebelah kanan sejak setahun lalu dan hanya terlantar di atas katil.

"Beliau kini dijaga sepenuhnya oleh anak beliau.

"Beliau dan keluarganya kini hanya bergantung kepada hasil duit penceh suami.

"Oleh itu sumbangan ini diberikan bagi membantu meringankan beban beliau," kata Gunasekaren.



Hospital Rembau terima sijil halal

SEREMBAN: Hospital Rembau telah menerima pengesahan sijil Halal Malaysia daripada Jabatan Hal Ehwal Agama Islam Negeri Sembilan.

Menteri Besar Negeri Sembilan, YAB Dato' Seri Aminuddin Harun berkata, dengan pemberian tersebut maka lengkap pengendali makanan di tujuh hospital di bawah kawalan Kerajaan Negeri memperoleh sijil halal.

"Ia merupakan hasrat Kerajaan

Negeri supaya semua pengendali makanan di negeri ini memperoleh sijil pengesahan Halal Malaysia.

"Saya juga melihat pencapaian 100 peratus halal ini wajar diperluaskan lagi.

"Saya juga menyeru serta amat berharap agar perkara ini dipandang serius oleh semua jabatan dan agensi kerajaan demi memelihara kesejahteraan ummah selari dengan slogan bersih, muafakat dan sejahtera," kata Aminuddin.



Pesakit kencing manis terima kerusi roda daripada Saiful



SUNGAI LUI: Penyelaras DUN Sungai Lui, Tuan Saiful Bahri Jaaman telah memberikan sumbangan kerusi roda kepada Puan Nabisa P. Mohammad di Felda Lui Barat.

Saiful berkata, Puan Nabisa mengidap sakit kencing manis dan masalah buah pinggang.

"Disebabkan itu, beliau tidak dapat bergerak dengan mudah.

"Oleh itu, saya berharap sumbangan yang diberikan ini dapat membantu memudahkan urusan beliau," kata Saiful.

Persatuan silat terima RM2,000 daripada Aishah

GEMAS: Penyelaras DUN Gemas, Puan Siti Aishah Seman@Othman telah memberikan sumbangan kewangan sebanyak RM2,000 kepada persatuan silat di DUN Gemas.

Siti Aishah berkata, sumbangan tersebut bagi membantu persatuan tersebut membeli peralatan silat.

"Jurulatih silat, Encik Azharulnizam mengucapkan ribuan terima kasih dan terharu di atas sumbangan yang diberikan.

"Hal ini kerana beliau telah memo-hon sumbangan di kebanyakkhan tempat tetapi tidak diendahkan," kata Siti Aishah.

Dalam pada itu Siti Aishah turut memberikan sumbangan kewangan sebanyak RM500 kepada Surau Felda Pasir Besar.

"Sumbangan tersebut bagi membantu pihak surau menjalankan aktiviti keagamaan.



Negeri Sembilan peruntuk RM345,000 bantu Orang Asli

SEREMBAN: Kerajaan Negeri Sembilan meluluskan Geran Khas Jawatankuasa Pembangunan dan Keselamatan Kampung Orang Asli (JPKKOA) kepada 69 buah kampung Orang Asli yang berdaftar dengan peruntukan berjumlah RM345,000.

Menteri Besar Negeri Sembilan, YAB Dato' Seri Aminuddin berkata, daripada jumlah tersebut, sebanyak 28 buah kampung yang mempunyai JPKKOA akan menerima RM5,000 manakala 15 buah kampung yang tidak mempunyai JPKKOA dan kampung yang diketuai oleh Tok Batin akan menerima RM4,000.

"Semoga dengan pemberian geran ini,

dapatlah JPKKOA menganjurkan pelbagai aktiviti kemasyarakatan yang bermafaat demi pembangunan komuniti.

"JPKKOA perlu kreatif, inovatif, dinamik serta berkarisma dalam menguruskan kampung masing-masing.

"JPKKOA adalah perantara di peringkat akar umbi yang akan menyalurkan sebarang permasalahan atau aduan masyarakat kepada pihak berkuasa, selain menyampaikan dasar-dasar kerajaan kepada masyarakat," katanya.

Aminuddin berkata, masyarakat Orang Asli perlulah bijak meneroka peluang

yang boleh meningkatkan ekonomi kampung seperti bidang pertanian, penternakan, pelancongan desa, adat budaya, produk kraftangan dan kesenianan masyarakat Orang Asli.

"Justeru itu, kepimpinan kampung perlu bijak mengambil peluang yang disediakan oleh Kerajaan Negeri seperti Tabung Usahawan Negeri Sembilan (TUNS) dan Geran Aktiviti Adat," ujar Aminuddin di Majlis Penyampaian Geran JPKKOA Di Bawah Inisiatif Belanjawan 2023.

Turut hadir, Exco Pembangunan Luar Bandar, YB Dato' Ismail Ahmad.



Tok Batin hargai pemberian geran Kampung Orang Asli

SEREMBAN: Tok Batin dan Ketua Kampung yang mewakili 69 buah kampung Orang Asli di Negeri Sembilan mengucapkan jutaan terima kasih kepada Menteri Besar, YAB Dato' Seri Aminuddin Harun di atas pemberian Geran Khas Jawatankuasa Pembangunan dan Keselamatan Kampung Orang Asli (JPKKOA) kepada 69 buah kampung Orang Asli yang berdaftar dengan peruntukan berjumlah RM345,000.

Tok Batin Kampung Sungai Lerek, Gemencheh, Encik Zahri Suhadi berkata, beliau mewakili seluruh Tok Batin di Negeri Sembilan, mengucapkan terima kasih kepada kepimpinan Menteri Besar di atas pemberian geran ini.

"Geran ini sedikit sebanyak akan dapat membantu kami melaksanakan program di Kampung Orang Asli.

"Saya rasa ini adalah julung kali pemberian geran ini diberikan. Saya berharap pemberian geran ini diteruskan pada tahun hadapan di bawah kepimpinan YAB Dato' Seri Aminuddin," ujarnya.

Pengerusi JPKKOA Kampung Belihoi, Mantin, Puan Minah Ujang turut mengucapkan terima kasih kepada Kerajaan Negeri Sembilan di atas pemberian geran ini.

Bantuan Dermasiswa pelajar Tahfiz naik 100 peratus

RM300 sebulan berbanding RM150 sebelum ini

SEREMBAN: Kerajaan Negeri Sembilan telah menaikkan kadar bantuan Dermasiswa pelajar Tahfiz (Diploma) sehingga 100 peratus pada tahun ini.

Menteri Besar Negeri Sembilan, YAB Dato' Seri Aminuddin Harun berkata, kadar bantuan Dermasiswa telah dinaikkan daripada RM150 kepada RM300 sebulan bagi pelajar Tahfiz (Diploma) di Sekolah Menengah Agama Negeri.

"Dermasiswa adalah merupakan bantuan wang saku kepada pelajar Sekolah Menengah Agama Negeri (SMAN) dan Sekolah Agama Bantuan Kerajaan (SABK) yang layak mengikut syarat yang ditetapkan.

"Bagi Sekolah Menengah Agama Negeri (Maahad Ahmadi dan Institut Tahfiz Al-Quran Negeri Sembilan), semua pelajar layak menerima dermasiswa.

"Manakala bagi SABK untuk kelulusan terkini kuota penerima Dermasiswa Tingkatan 1 hingga Tingkatan 5 adalah seramai 40 peratus daripada jumlah pelajar mengikut syarat kelayakan ditetapkan dan bagi pelajar Tingkatan 6, semua pelajar layak menerima dermasiswa," jelas Aminuddin.



Bantuan Perkapita bagi institusi pendidikan Islam naik 50 peratus

SEREMBAN: Kerajaan Negeri Sembilan telah menaikkan kadar Bantuan Perkapita kepada 50 peratus pada tahun ini.

Menteri Besar Negeri Sembilan, YAB Dato' Seri Aminuddin Harun berkata, Perkapita adalah bantuan kewangan yang diber-

ikan kepada pihak pengurusan sekolah yang terlibat untuk kegunaan sekolah mengikut maksud belanja ditetapkan yang mana manfaatnya kembali kepada pelajar.

"Bantuan ini diberikan kepada Institu-

si Pendidikan Islam berdaftar di bawah Jabatan Hal Ehwal Agama Islam Negeri Sembilan (JHEAINS) termasuk sekolah-sekolah swasta." katanya.

Bantuan disalurkan menerusi Majlis Agama Islam Negeri Sembilan (MAINS).

Nak tahu **apa yang terkini dan best** tentang Negeri Sembilan?

LAYARI PORTAL NEGERI KITA

www.negerikita.org



Negeri Sembilan salur bantuan RM4.2 juta kepada institusi pendidikan Islam

SEREMBAN: Kerajaan Negeri Sembilan telah menyalurkan bantuan perkapita dan dermasiswa berjumlah RM4,161,090 kepada institusi pendidikan Islam yang berdaftar dengan Jabatan Hal Ehwal Agama Islam Negeri Sembilan.

Menteri Besar Negeri Sembilan, YAB Dato' Seri Aminuddin berkata, peruntukan yang disalurkan melalui Majlis Agama Islam Negeri Sembilan (MAINS) dan JHEAINS ini diharapkan sedikit sebanyak dapat membantu program dan pengurusan sekolah di samping meringankan beban institusi pendidikan yang terlibat.

"Bantuan Perkapita untuk institusi pendidikan Islam pada tahun ini sebanyak RM2,470,890 berbanding RM1,695,440 pada tahun 2022.

"Pada tahun ini dermasiswa untuk 1,767 pelajar berjumlah RM1,690,200 ber-



banding pada tahun lepas berjumlah RM845,880 bagi 1,659 pelajar.


"Ia melibatkan jumlah peruntukan RM4,161,090 berbanding RM2,541,320 pada tahun 2022.

"Syabas dan tahniah kepada MAINS dan JHEAINS atas kerjasama menyemak semula kadar pemberian bantuan ini kepada pengurusan sekolah dan anak-anak," kata Aminuddin.

Aminuddin berkata demikian di Majlis Penyampaian Bantuan Perkapita dan Dermasiswa Kepada Institusi Pendidikan Islam Jabatan Hal Ehwal Agama Islam Negeri Sembilan Darul Khusus Bagi Tahun 2023 di Klana Resort Seremban.

Semoga Allah berkatil usaha Kerajaan Negeri Sembilan

SEREMBAN: Pengetua dan pentadbir institusi pendidikan Islam di Negeri Sembilan mengucapkan terima kasih kepada Menteri Besar (MB) Negeri Sembilan, YAB Dato' Seri Aminuddin Harun di atas kenaikan Bantuan Perkapita.



Ali Abdullah

Guru Besar Sekolah Agama Rakyat (SAR) Taman Marida, Senawang, Ali Abdullah berkata, beliau sangat berteri-

ma kasih kepada Aminuddin di atas kenaikan 50 peratus Bantuan Perkapita untuk SAR pada tahun ini.

"Terima kasih kepada Menteri Besar, Majlis Agama Islam Negeri Sembilan (MAINS) dan Jabatan Hal Ehwal Agama Islam Negeri Sembilan (JHEAINS) yang memberi Bantuan Perkapita kepada sekolah kami," ujarnya.

Pengetua IISSA Agro Tahfiz, Juasseh, Kuala Pilah, Ahmad Azfar Mohamaddiah turut mengucapkan terima kasih kepada Menteri Besar, MAINS dan JHEAINS di atas kenaikan bantuan ini.

"Tahun lepas RM80 dan tahun ini bantuan dinaikkan kepada RM120 untuk pelajar tahfiz

swasta.

"Insyah Allah, mudah-mudahan kami doakan pelajar tahfiz di Negeri Sembilan semuanya menjadi anak yang hebat dan bakal lahirkan generasi Qurani."



Nazirah Hashim

Pengetua Maahad Tahfiz Darul Ulum Kuala Pilah, Nazirah Hashim turut mengucapkan jutaan terima kasih

kepada Menteri Besar, Kerajaan Negeri, MAINS dan JHEAINS.

"Bantuan ini sedikit sebanyak memberi manfaat luar biasa kepada institusi tahfiz seperti kami."

"Pada tahun ini kami dapat bantuan sebanyak RM16,000.

"Saya juga ingin berterima kasih kepada Menteri Besar dan Kerajaan Negeri di atas keprihatinan kepada madrasah swasta seperti kami."

"Semoga Allah berkatil segala usaha Menteri Besar dan Kerajaan Negeri susun dan jalankan untuk kebaikan bersama," kata Nazirah.